




DEPUTACIÓN PROVINCIAL  
A CORUÑA

SERVIZO DE PATRIMONIO E CONTRATACIÓN



CONCELLO DE  
SANTIAGO

Número 13 /2023

## CONVENIO DE COLABORACIÓN ENTRE A DEPUTACIÓN DA CORUÑA E O CONCELLO DE SANTIAGO DE COMPOSTELA PARA O DESENVOLVEMENTO DO FESTIVAL ROSALÍA 2023

A Coruña, a 23 de febreiro de 2023

Ante min, Amparo Taboada Gil, Secretaria Xeral da Deputación Provincial da Coruña, como fedataria actuante

### REUNIDOS

Dunha parte, **D. Xosé Luis Penas Corral**, en representación da Excm. Deputación da Coruña, e doutra parte, **Dna. Mercedes Rosón Ferreiro**, en representación do concello de Santiago de Compostela por delegación da Alcaldía aprobada por Resolución número 2023/2385 de 23 de febreiro de 2023

As dúas persoas comparecentes interveñen en uso das súas facultades que por razón dos seus cargos lles están atribuídas

### MANIFESTAN:

Que o Festival Rosalía púxose en marcha despois dun proceso de xuntanzas desenvolvido en 2017 entre a área de Cultura da Deputación da Coruña, o Concello de Santiago, a AELG e a Fundación Rosalía de Castro vinculado ao centenario da inauguración da estatua na súa honra da Alameda Compostelá.

Que a Deputación da Coruña é a organizadora do Festival Rosalía 2023 que terá lugar en Santiago de Compostela os días 24 e 25 de febreiro integrado por un conxunto de actividades artísticas e unha feira cultural ao redor da figura de Rosalía, e que se desenvolverá nunha carpa na praza de Cervantes.

Que ambas as partes, tendo en conta a importancia e valor da obra de Rosalía de Castro, a figura principal da literatura galega, que desenvolveu os fitos principais da súa vida no seo desta provincia, consideran que o Festival Rosalía ten un grande interese para poñer de manifesto a súa vixencia e manter a súa presenza. Dado o coincidente interese de ambas as dúas institucións acordan formalizar o presente convenio de colaboración conforme as seguintes:

### CLÁUSULAS

#### **PRIMEIRA.- Obxecto do convenio**

O obxecto deste convenio é determinar o marco de colaboración entre a Deputación Provincial da Coruña e o Concello de Santiago de Compostela para favorecer a celebración do Festival Rosalía 2023 organizado pola Deputación da Coruña.

#### **SEGUNDA.- Obrigas das partes**

Para acadar a finalidade expresada na cláusula anterior, as partes representadas comprometen a súa vontade, programando as seguintes actuacións:

##### a) Deputación Provincial da Coruña:

\* Organizar o Festival Rosalía 2023 e financiar todas as actividades programadas, para o que tramitará os expedientes que correspondan.

- \* Elaborar as bases que regularán a participación e instalación de postos na feira.
- \* Adxudicar os postos.

**b) Concello de Santiago de Compostela:**

- \* Xestionar e financiar os permisos de actividade e o aluguer e montaxe da carpa e dos espazos que ocuparán os postos ; a seguridade nocturna a noite do 24 ao 25 de febreiro e da tarde do 24 e do día 25.
- \* Instalar un cadro eléctrico no lateral da praza.
- \* Dar acceso ao espazo dos camaríns no edificio destinado para este fin.
- \* Difundir o Festival Rosalía 2023 nos espazos municipais de difusión.
- \* Poñer a disposición o espazo público necesario da praza Cervantes para a instalación de postos de venda. Ademais do Teatro Principal para o concerto do sábado 25 de febreiro

**TERCEIRA.- Achega económica das partes**

A Deputación Provincial da Coruña financiará os gastos derivados das súas obrigas cun importe de 51.363,27 euros de acordo co seguinte orzamento:

Comisariado para o deseño de contidos, dirección das actividades	4.270,00 €
Comisariado para coordinación xeral das actividades de difusión, prensa e imaxe	7.786,35 €
Roll-up e lonas	492,47 €
Material de merchandaising	<b>4.498,48 €</b>
Vídeo promocional do Festival Rosalía 2023	605,00€
Gastos de produción 2 días ( alugueiro de equipamento de luz e son , persoal técnico, decoración da praza, 3 persoas de produción setas caloríficas)	6.171,00 €
Contratacións artísticas	<b>16.491,00 €</b>
Publicidade Festival Rosalía 2023	9.842,90 €

O Concello de Santiago financiará os gastos derivados das súas obrigas cun importe de 6.206,83 € de acordo co seguinte orzamento:

- aluguer da carpa.....3.146,00 €
- servizo de seguridade nocturna.....873,15 €
- atención técnica no Teatro Principal.....726,00 €
- atención ao público no Teatro Principal..... 372,68 €
- conexión eléctrica..... 1.089,00 €

**CUARTA.- Xustificación.**

A Deputación Provincial da Coruña e o Concello de Santiago de Compostela acreditarán o cumprimento das obrigas asumidas na cláusula segunda, mediante a achega dunha certificación acreditativa do pago dos gastos que figuran na cláusula terceira; ademais, o Concello acreditará a difusión do Festival Rosalía 2023 nos espazos municipais de difusión, mediante a achega de imaxes que o xustifiquen.

A documentación será remitida por cada unha das entidades asinantes á outra antes do 30 de novembro de 2023.

**QUINTA.- Vixencia do convenio e modificación**

As actuacións obxecto do convenio desenvolveranse no marco da organización e celebración do Festival Rosalía 2023, polo que a súa vixencia finalizará logo de que se teñan feitos todos os pagamentos derivados do dito festival e remitida a documentación sinalada na cláusula cuarta, tendo como data máxima o 31 de decembro de 2023.

Por acordo expreso de ambas as dúas partes e por causa debidamente xustificada, e cos informes previos que correspondan o convenio poderá ser obxecto de modificación.

**SEXTA.- Obrigas das partes**

O incumprimento dalgunha das cláusulas previstas no presente convenio poderá implicar responsabilidade por parte da Administración incumpridora, determinándose o alcance da responsabilidade de mutuo acordo o a través do correspondente procedemento administrativo de responsabilidade.

**SÉTIMA.- Xurisdición e seguimento**

Será de aplicación a Lei 40/2015, do 1 de outubro, de réxime xurídico do sector público. Este convenio ten natureza administrativa. A xurisdición contencioso-administrativa será a competente para o coñecemento de posibles cuestión litixiosas que poidan suscitarse como consecuencia del.

Para o seguimento coordinado da execución do presente convenio crearase unha comisión de seguimento formada por dous representantes de cada unha das institucións nomeados polo Presidente da Deputación e do Concello de Santiago de Compostela.

Faise constar que o presente convenio foi aprobado por **Resolución de Presidencia número 6533 de 16 de febreiro de 2023.**

E, en proba de conformidade, as partes comparecentes asinan en exemplar duplicado o presente convenio, no lugar e data indicados no encabezamento.

**O REPRESENTANTE DA DEPUTACION  
PROVINCIAL DA CORUÑA**

**A REPRESENTANTE DO CONCELLO DE SANTIAGO  
DE COMPOSTELA**

**Asdo.: D. Xosé Luis Penas Corral**

**Asdo.: Dna. Mercedes Rosón Ferreiro**

**A SECRETARIA XERAL  
DA DEPUTACIÓN PROVINCIAL DA CORUÑA**

**Asdo. : Dna. Amparo Taboada Gil**